



Vesturbyggð

Aðalstræti 75, 450 Patreksfirði, kt. 510694-2369, Sími 450-2300.

Atvinnuvega- og nýsköpunarráðuneyti

Skúlagötu 4
150 Reykjavík

Vesturbyggð, 21. janúar 2020
1910171 RH

Efni: Sérstök skilyrði við úthlutun byggðakvóta til fiskiskipa

Vísað er til bréfs atvinnuvega- og nýsköpunarráðuneytisins dags. 30. desember 2019 þar sem tilkynnt er um úthlutun byggðakvóta til Vesturbyggðar. Í bréfinu er Vesturbyggð einnig veittur frestur til 27. janúar 2020 til að leggja til við ráðuneytið sérstök skilyrði varðandi úthlutun byggðakvóta sveitarfélagsins til fiskiskipa á fiskveiðiárinu 2019/2020.

Á 15. fundi hafna- og atvinnumálaráðs 13. janúar sl. var eftirfarandi bókað:

Lagt fram bréf atvinnuvega- og nýsköpunarráðuneytisins dags. 30. desember 2019 um úthlutun byggðakvóta til byggðarlaga á fiskveiðiárinu 2019/2020. Málinu var vísað til ráðsins á 888. fundi bæjarráðs 7. janúar 2019 þar sem hafna- og atvinnumálaráði er falið að koma með tillögu að sérstökum skilyrðum Vesturbyggðar um úthlutun byggðakvóta til fiskiskipa á fiskveiðiárinu 2019/2020.

Hafna- og atvinnumálaráð leggur til við bæjarstjórn að farið verði með úthlutun byggðakvóta til fiskiskipa samkvæmt reglugerð nr. 676/2019 um úthlutun byggðakvóta til fiskiskipa á fiskveiðiárinu 2019/2020, þó með eftirfarandi breytingum:

- a) Ákvæði 1. málsl. 1. mgr. 4. gr. reglugerðarinnar breytist og verður: Skipting þess aflamarks, sem nú kemur í hlut byggðarlags, auk þess aflamarks byggðarlagsins sem kann að vera efur af úthlutun fyrri fiskveiðiárs, skal að öðru leyti fara fram til einstakra fiskiskipa sem uppfylla skilyrði 1. gr., sbr. og reglur um sérstök skilyrði fyrir úthlutun byggðakvóta í einstökum sveitarfélögum sem ráðuneytið staðfestir samkvæmt 2.-3. gr., efur því sem við á, og skal skipt hlutfallslega, af því aflamarki sem fallið hefur til viðkomandi byggðarlags, miðað við allan landaðan botnfiskafla í tegundum sem hafa þorskígildisstuðla, í þorskígildum talið, innan sveitarfélagsins á tímabilinu 1. september 2018 til 31. ágúst 2019.*
- b) Ákvæði 2. mgr. 4. gr. reglugerðarinnar breytist og verður: Afli af fiskiskipum sem landað er í sveitarfélagi af bátum sem ekki eru skráðir innan viðkomandi sveitarfélags á sama tíma, telst ekki til landaðs afla samkvæmt 1. mgr.*
- c) Ákvæði 1. málsl. 1. mgr. 6. gr. reglugerðarinnar breytist og verður: Fiskiskipum er skylt að landa þeim afla sem telja á til byggðakvóta til vinnslu innan sveitarfélagsins á tímabilinu frá 1. september 2019 til 31. ágúst 2020.*

Með ákvörðun sjávarútvegs- og landbúnaðarráðherra er magn byggðakvóta sem úthlutað er til byggðalaga innan Vesturbyggðar skert verulega á milli ára og er engum byggðakvóta



Vesturbyggð

Aðalstræti 75, 450 Patreksfirði, kt. 510694-2369, Sími 450-2300.

úthlutað á Patreksfjörð. Hafna- og atvinnumálaráð gerir athugasemd við þær breytingar sem gerðar voru á forsendum úthlutunarinnar milli ára þar sem starfshópur vinnur nú að endurskoðun úthlutunar byggðakvóta. Þá verði ekki séð af úthlutun byggðakvótans á fiskveiðiárinu 2019/2020 að horft hafi verið til meginmarkmiða byggðakvóta, þ.e. að skapa aukna atvinnu og störf í landi og lýsir hafna- og atvinnumálaráð því yfir miklum vonbrigðum með niðurstöðu úthlutunarinnar.

Á 344. fundi bæjarstjórnar Vesturbyggðar 15. janúar sl. staðfesti bæjarstjórn tillögu hafna- og atvinnumálaráðs um sérreglur um úthlutun byggðakvóta til fiskiskipa. Þess er því óskað að framangreindar breytingar verði gerðar á almennum reglum um úthlutun byggðakvóta til fiskiskipa skv. reglugerð nr. 676/2019, þegar byggðakvóta er úthlutað til fiskiskipa í Vesturbyggð. Sérreglur þær sem hér eru lagðar til byggja á málefnalegum og staðbundnum ástæðum, þar sem horft er til verðmættaukningar og atvinnusköpunar vegna byggðakvóta innan sveitarfélagsins í heild sinni. Framangreind tillaga að sérreglum er sambærileg þeim sérreglum sem ráðuneytið staðfesti á fiskveiðiárinu 2018/2019. Eina starfandi fiskvinnslan á sunnanverðum Vestfjörðum er staðsett á Patreksfirði. Það er því mikilvægt að skylt verði að landa afla til vinnslu innan sveitarfélagsins, þar sem ekki er til að dreifa öðrum fiskvinnslum í þeim byggðalögum sem úthlutað er byggðakvóta. Sérreglurnar útiloka þó ekki að ef sett verði á fót fiskvinnsla í öðrum byggðalögum innan sveitarfélagsins sé landað til vinnslu í viðkomandi byggðalagi.

Með vísan til framngreinds er þess óskað að sérreglur Vesturbyggðar um úthlutun byggðakvóta til fiskiskipa í Vesturbyggð á fiskveiðiárinu 2019/2020 verði staðfestar af hálfu ráðherra og birtar í Stjórnartíðindum.


Rebekka Hilmarsdóttir
Bæjarstjóri Vesturbyggð